

~~~~~  
ANTE RECITATIONEM HUJUS OFFICII.

*Oratio.*

Domine Jesu Christe, qui non oraris tan-tum a nobis ut Deus, sed et ineffabili pie-tate oras in nobis ut caput nostrum, et oras pro nobis ut Pontifex noster : concede no-bis, ut per te, quem advocatum habemus apud Patrem, offeramus hostiam laudis sem-per Deo, id est fructum labiorum confiten-tium nomini ejus. Qui cum eodem Patre et Spiritu sancto vivis.

POST RECITATIONEM OFFICII.

*Oratio.*

Domine Jesu Christe, qui in diebus car-nis tuae præces, supplicationesque cum clamo-re valido et lacrymis offerens, exauditus es pro tua reverentia; ne irascaris super ora-tionem servi tui, neque amoveas orationem meam et misericordiam tuam a me: sed spi-ritus tuus adjuvet infirmitatem meam, ut orem te semper et non desiccam, in omni loco levans puras manus Deo, et benedic-en-te in omni tempore. Qui cum Patre.

OFFICIUM PARVUM

PRO OBTINENDA A DEO GRATIA

PERFECTE COGNOSCENDI EXCELLENTIAM  
MINISTERII ECCLESIASTICI,  
ILLUDQUE RITE ADIMPLENDI.

~~~~~

AD NOCTURNUM.

Domine, labia mea aperies :  
¶. Et os meum annuntiabit laudem tuam.  
Deus, in adjutorium meum intende :  
¶. Domine, ad adjuvandum me festina.  
Gloria Patri, etc.

*Invitator.* Dominum messis, cujus est mit-tere operarios in messem suam : \* Venite, adoremus.

*Psalmus 94.*

Venite, exsultemus Domino ; jubilemus Deo salutari nostro : præoccupemus faciem ejus in confessione, et in psalmis jubile-mus ei.

Dominum messis, cujus est mittere ope-rarios in messem suam : \* Venite.

Quoniam Deus magnus Dominus, et Rex magnus super omnes deos : quoniam non repellet Dominus plebem suam ; quia in ma-nu ejus sunt omnes fines terræ, et altitudines montium ipse conspicit.

\* Venite, adoremus.

Quoniam ipsius est mare, et ipse fecit il-  
lud, et aridam fundaverunt manus ejus : Ve-  
nite, adoremus, et procidamus ante Deum :  
ploremus coram Domino qui fecit nos, quia  
ipse est Dominus Deus noster; nos autem  
populus ejus, et oves pascuae ejus.

Dominum messis, etc.

Hodie si vocem ejus audieritis, nolite ob-  
durare corda vestra, sicut in exacerbatione  
secundum diem temptationis in deserto, ubi  
tentaverunt me patres vestri, probaverunt,  
et viderunt opera mea. \* Venite.

Quadraginta annis proximus fui genera-  
tioni huic et dixi : Semper hi errant corde;  
ipsi vero non cognoverunt vias meas; qui-  
bus juravi in ira mea : Si introibunt in re-  
quiem meam.

Dominum messis, cuius est mittere ope-  
rarios in messem suam : \* Venite.

Gloria Patri, et Filio, et Spiritui sancto :  
Sicut erat in principio, et nunc, et semper,  
et in sæcula saeculorum. Amen. \* Venite,  
adoremus.

Dominum messis, cuius est mittere ope-  
rarios in messem suam : \* Venite.

*Hymnus.*

Jam satis fluxit cruor hostiarum,  
Pristinæ cessent holocausta legis,

AD NOCTURNUM.

Christe, quos formas, meliora libant  
Sacra Ministri.

Elicit flamas Elias ab alto,  
Mysta nunc major jubet, et potenti.  
Obsequens verbo Deus astat aris  
Hostia factus.

Pingue libamen, novus et Sacerdos  
Orbe jam toto Deus immolatur,  
Se manu nostra litat incruento  
Funere Christus.

Tale nil priscis patribus tributum,  
Angelis nusquam data par potestas,  
Se manu nostra Deus ipse cunctis  
Præbet in escam.

Christe, fac semper tua sacra puro  
Corde tractemus, manibusque puris :  
Charitas aptos tua nos tremendis  
Applicet aris.

Luminis splendor, Patris una Proles,  
Christe, te pronus veneretur orbis,  
Qui sacerdotes per amoris almi  
Flamen inungis. Amen.

*Ant.* Ego plantavi te.

*Psalmus 79.*

Qui regis Israel, intende, \* qui deducis  
velut ovem Joseph.

Qui sedes super Cherubim, \* manifestare  
coram Ephraim, Benjamin, et Manasse.

Excita potentiam tuam, et veni; \* ut salvos facias nos.

Deus, converte nos : \* et ostende faciem tuam, et salvi erimus.

Domine, Deus virtutum, \* quousque irasceris super orationem servi tui?

Cibabis nos pane lacrymarum; \* et potum dabis nobis in lacrymis in mensura.

Posuisti nos in contradictionem vicinis nostris; \* et inimici nostri subsannaverunt nos.

Deus virtutum, converte nos; \* et ostende faciem tuam, et salvi erimus.

Vineam de Ægypto transtulisti : \* ejecisti gentes, et plantasti eam.

Dux itineris fuisti in conspectu ejus : \* plantasti radices ejus; et implevit terram.

Operuit montes umbra ejus, \* et arbusta ejus cedros Dei.

Extendit palmites suos usque ad mare, \* et usque ad flumen propagines ejus.

Gloria Patri, etc.

*Ant.* Ego plantavi te vineam electam : quomodo ergo conversa es mihi in pravum vinea aliena? *Jer. 2, 21.*

*Ant.* Pastores multi.

*Ex eodem Psalmo.*

Utquid dest xisti maceriam ejus? \* et

vindemiant eam omnes qui prætergredinunt viam?

Exterminavit eam aper de silva : \* et singularis ferus depastus est eam.

Deus virtutum, convertere : \* respice de cœlo, et vide, et visita vineam istam;

Et perfice eam quam plantavit dextera tua, \* et super filium hominis quem confirasti tibi.

Incensa igni, et suffossa, \* ab increpatione vultus tui peribunt.

Fiat manus tua super virum dexteræ tuæ, \* et super filium hominis quem confirasti tibi.

Et non discedimus a te: \* vivificabis nos, et nomen tuum invocabimus.

Domine Deus virtutum, converte nos : \* et ostende faciem tuam, et salvi erimus.

Gloria Patri, etc.

*Ant.* Pastores multi demoliti sunt vineam meam; conculcaverunt partem meam; dererunt portionem meam desiderabilem in desertum solitudinis. *Jer. 12, 10.*

*¶.* Leva manus tuas in superbias eorum in finem.

*¶.* Quanta malignatus est inimicus in sancto? *Ps. 73, 4.*

Pater noster.

*Absol.* Deus det nobis illuminatos oculos  
34.

cordis, ut sciamus quæ sit spes vocationis ejus.

Jube, Domine, benedicere.

*Bened. ad 1 Lect.*

Adaperiat Deus cor nostrum in lege sua et in præceptis suis.

*Ad 2 Lect.*

Dominus confirmet corda nostra in omni opere et sermone bono.

*Lectiones infra pro singulis hebdomadœ diebus, post Completorium.*

¶. i. Non mittebam Prophetas, et ipsi curabant; non loquebar ad eos, et ipsi prophetabant. \* Si stetissent in consilio meo, avertissem utique eos a via sua mala. ¶. Ipsi regnaverunt, et non ex me; principes extiterunt, et non cognovi. \* Si stetissent. *Jer. 23, 21.*

¶. ij. Satagite ut per bona opera certam vestram vocationem et electionem faciatis; \* Sic enim abundanter ministrabitur vobis introitus in aeternum regnum Domini nostri Jesu Christi. ¶. Ministrate in fide vestra virtutem, scientiam, abstinentiam, patientiam, pietatem, charitatem. \* Sic enim. *Gloria.*  
¶. Satagite. *2 Pet. 1.*

¶. Domine, exaudi orationem meam;

¶. Et clamor meus ad te veniat.

*Oremus.*

Deus inspirator sancti consilii, vota humilitatis nostræ benignus suscipe, et da nobis sedium tuarum assistricem sapientiam; mitte illam de cœlis sanctis tuis, ut sciamus quid acceptum sit apud te, et deducat nos in operibus nostris sobrie, et custodiat nos in sua potentia. Per Dominum nostrum, etc.

¶. Domine, exaudi orationem meam;

¶. Et clamor meus ad te veniat.

¶. Benedicamus Domino.

¶. Deo gratias.

---

### AD LAUDES.

Deus, in adjutorium, etc.

*Ant.* Mane notum faciet.

*Psalmus 142.*

Domine, exaudi orationem meam: \* auribus percipe obsecrationem meam in veritate tua; exaudi me in tua justitia.

Et non intres in judicium cum servo tuo, \* quia non justificabitur in conspectu tuo omnis vivens.

Quia persecutus est inimicus animam meam; \* humiliavit in terra vitam meam.

Collocavit me in obscuris sicut mortuos  
sæculi : \* et anxiatus est super me spiritus  
mens , in me turbatum est cor meum.

Memor fui dierum antiquorum , medita-  
tus sum in omnibus operibus tuis : \* in factis  
manuum tuarum meditabar.

Expandi manus meas ad te : \* anima mea  
sicut terra sine aqua tibi.

Velociter exaudi me , Domine : \* defecit  
spiritus meus.

Non avertas faciem tuam a me ; \* et simi-  
lis ero descendantibus in lacum.

Auditam fac mihi mane misericordiam  
tuam ; \* quia in te speravi .

Notam fac mihi viam in qua ambulem : \*  
quia ad te levavi animam meam.

Eripe me de inimicis meis , Domine , ad  
te confugi : \* doce me facere voluntatem  
tuam , quia Deus meus es tu.

Spiritus tuus bonus deducet me in terram  
rectam : \* propter nomen tuum , Domine ,  
vivificabis me in æquitate tua.

Educes de tribulatione animam meam ; \*  
et in misericordia tua disperdes inimicos  
meos.

Et perdes omnes qui tribulant animam  
meam ; \* quoniam ego servus tuus sum.

Gloria Patri , etc.

*Ant.* Mane notum faciet Dominus qui ad  
se pertineant , et sanctos applicabit sibi , et

quos elegerit appropinquabunt ei , et quem-  
cumque elegerit erit sanctus . *Num.* 16 , 5.

*Capitulum.*

Omnis qui habuerit maculam de semine  
Aaron Sacerdotis , non accedet offerre hos-  
tias Domino , nec panes Deo suo ; nec acce-  
dat ad altare , quia maculam habet , et con-  
taminare non debet sanctuarium meum : ego  
Dominus . *Lev.* 21.

¶. Deo gratias.

*Hymnus.*

O Sacerdotum veneranda jura !  
Ceu vices Christi teneant , salutis  
Arbitri claudunt reseruantque nobis  
Atria cœli.

Omne pendentes scelus in statera ,  
Cum reum solvunt , Deus ipse solvit ;  
Cum ligant sotrem , Deus ipse sotnis  
Vincula nectit.

Quam manus morbis adhibent peritas !  
Cum secant , semper pia dextra cœdit ;  
Cum fovent , semper pia lenit ungens  
Vulnra dextra.

Verba dum promunt , populus fidelis  
Excipit vocem , cupidus doceri ;  
Nempe divinæ sacra verba legis  
Mente recondunt.

Irruens prompti cohibere fulmen ,

Stant ab adverso, Dominumque placant,  
Vindices in nos quoties ab alto  
Depluit iras.

Dum Sacerdotes tua sacra tractant,  
Christe, fac sacris quibus applicasti,  
Consonent mores, popule fiat  
Forma Sacerdos.

Luminis splendor, Patris una Proles,  
Christe, te pronus veneretur orbis,  
Qui Sacerdotes per amoris almi  
Flamen inungis. Amen.

¶. Lavabo inter innocentes manus meas;  
¶. Et circumdabo altare tuum, Domine.  
*Ant.* Visitabo.

*Canticum Zacharie. Luc. 1.*

Benedictus Dominus Deus Israel : \* quia  
visitavit, et fecit redemptionem plebis suæ.

Et erexit cornu salutis nobis : \* in domo  
David pueri sui.

Sicut locutus est per os sanctorum, \* qui  
a saeculo sunt, Prophetarum ejus.

Salutem ex inimicis nostris, \* et de manu  
omnium qui oderunt nos.

Ad faciendam misericordiam cum patri-  
bus nostris : \* et memorari testamenti sui  
sancti.

Jusjurandum, quod juravit ad Abraham  
patrem nostrum, \* daturum se nobis.

Ut sine timore, de manu inimicorum nos-  
trorum liberati, \* serviamus illi,

In sanctitate et justitia coram ipso, \* om-  
nibus diebus nostris.

Et tu, puer, Propheta Altissimi voca-  
ris; \* praibis enim ante faciem Domini pa-  
rare vias ejus.

Ad dandam scientiam salutis plebi ejus : \*  
in remissionem peccatorum eorum.

Per viscera misericordiae Dei nostri, \* in  
quibus visitavit nos oriens ex alto.

Illuminare his qui in tenebris et in umbra  
mortis sedent : \* ad dirigendos pedes nostros  
in viam pacis.

Gloria Patri, etc.

*Ant.* Visitabo oves meas, et suscitabo su-  
per eas Pastorem unum qui pascat eas.  
*Ezech. 34.*

¶. Domine, exaudi orationem meam ;  
¶. Et clamor meus ad te veniat.

*Oremus.*

Spirituum ponderator, Domine, qui sanc-  
tum vetas dari canibus; emitte, quæsumus,  
lucem tuam et veritatem tuam, ut ad coenam  
nuptiarum Agni amici sponsi introducan-  
tur, et arceantur alieni. Per Dominum nos-  
trum, etc.

## AD PRIMAM.

Deus, in adjutorium, etc.

*Hymnus.*

Tartari diræ paveant cohortes,  
Bella divinum meditatur agmen:  
In suis unctis Deus ipse miles  
Prælia tentat.

Prodeunt tecti galea salutis,  
Cum crucis signo gladioque verbi,  
Intonant Christum, ruit ecce præcepis  
Hostis in umbras.

Sustinent curas gregis, et quiescit:  
Leniunt flendo lacrymas gementum,  
Quas sibi duri rápiunt: egenus  
Pascitur escis.

Quæ tuis formas populis Ministros,  
Laus tibi jugis, Deitas suprema:  
Fac ut in Clero sua prima virtus,  
Christe, resurgat. Amen.

*Ant.* Nec quisquam.

*Psalmus 24.*

Ad te, Domine, levavi animam meam: \*  
Deus meus, in te confido, non erubescam.

Neque irrideant me inimici mei: \* etenim  
universi qui sustinent te non confundentur.

## AD PRIMAM.

Confundantur omnes iniqua agentes, \* su-  
pervacue.

Vias tuas, Domine, demonstra mihi: \* et  
semitas tuas edoce me.

Dirige me in veritate tua, et doce me: \*  
quia tu es Deus meus Salvator meus, et te  
sustinxisti tota die.

Reminiscere miserationum tuarum, Do-  
mine, \* et misericordiarum tuarum, que a  
sæculo sunt.

Delicta juventutis meæ, \* et ignorantias  
meas ne memineris.

Secundum misericordiam tuam memento  
mei tu, \* propter bonitatem tuam, Domine.

Dulcis et rectus Dominus: \* propter hoc  
legem dabit delinquentibus in via.

Diriget mansuetos in judicio: \* docebit  
mites vias suas.

Universæ viæ Domini misericordia et ve-  
ritas, \* requirentibus testamentum ejus et  
testimonia ejus.

Propter nomen tuum, Domine, propitia-  
beris peccato meo; \* multum est enim.

Quis est homo qui timet Dominum? \* le-  
gem statuit ei in via quam elegit.

Anima ejus in bonis demorabitur; \* et se-  
men ejus hæreditabit terram.

Firmamentum est Dominus timentibus  
eum; \* et testamentum ipsius ut manifester-  
tur illis.

Oculi mei semper ad Dominum, \* quoniam ipse evellet de laqueo pedes meos.

Respice in me, et miserere mei; \* quia unicus et pauper sum ego.

Tribulationes cordis mei multiplicatae sunt: \* de necessitatibus meis erue me.

Vide humilitatem meam et laborem meum, \* et dimitte universa delicta mea.

Respice inimicos meos, quoniam multiplicati sunt, \* et odio iniquo oderunt me.

Custodi animam meam, et erue me: \* non erubescam quoniam speravi in te.

Innocentes et recti adhaeserunt mihi, \* quia sustinui te.

Libera, Deus, Israel, \* ex omnibus tribulationibus suis.

Gloria Patri, etc.

*Ant.* Nec quisquam sumat sibi honorem, sed qui vocatur a Deo tanquam Aaron. *Heb. 5, 4.*

*Capitulum.*

Ne quis accedat alienigena, et qui non est de semine Aaron, ad offerendum incensum Domino, ne patiatur sicut passus est Core et omnis congregatio ejus, loquente Domino. *¶. Deo gratias. Num. 16, 40.*

*¶. brev.* Christe Fili Dei vivi: \* Miserere nobis. Christe. *¶. Qui non temetipsum clama-*

rificasti ut Pontifex fieres: \* Miserere. Gloria Patri. Christe. *Heb. 5, 5.*

*¶. Exsurge, Christe, adjuva nos;*

*¶. Et libera nos propter nomen tuum.*

*¶. Domine, exaudi orationem meam;*

*¶. Et clamor meus ad te veniat.*

*Oremus.*

Omnipotens Deus qui omnia operaris secundum consilium voluntatis tuæ; mitte, quæsumus, quos missurus es, ut qui eis fueris oneris auctor, ipse fias administrationis adjutor, et des virtutem, qui contuleris dignitatem; per Dominum.

---

AD TERTIAM.

Deus, in adjutorium, etc.

*Hymnus.*

Pax tuos ergo manet alta fines,  
Christe, jam liber tibi servit orbis,  
Jam tuis late tua Sponsa regnat

Tuta Ministris.

Cœlitum cantus imitando, Numen  
Laude ter Sanctum celebrant perenni:  
Mente jam cœlo, sua membra casti  
Vix sua credunt.

Si reo vindex minitatur ira,

Inferunt blanda prece vim tonanti;  
Vincitur votis Deus, et vibrata  
Tela coerct.

Quæ tuis formas populis ministros,  
Laus tibi jugis, Deitas suprema :  
Fac ut in Clero sua prima virtus,  
Christe, resurgat. Amen.

*Ant.* Si quis.

*Psalmus 25.*

Judica me, Domine, quoniam ego in innocentia mea ingressus sum; \* et in Domino sperans non infirmabor.

Proba me, Domine, et tenta me : \* urenes meos et cor meum;

Quoniam misericordia tua ante oculos meos est, \* et complacui in veritate tua.

Non sedi cum concilio vanitatis, \* et cum iniqua gerentibus non introibo.

Odivi ecclesiam malignantium : \* et cum impiis non sedebo.

Lavabo inter innocentes manus meas, \* et circumdabo altare tuum, Domine:

Ut audiam vocem laudis tuæ, \* et enarrarem universa mirabilia tua.

Domine, dilexi decorem domus tuæ, \* et locum habitationis gloriæ tuæ.

Ne perdas cum impiis, Deus, animam meam, \* et cum viris sanguinum vitam meam.

In quorum manibus iniquitates sunt : \*  
dextera eorum repleta est muneribus.

Ego autem in innocentia mea ingressus sum : \* redime me, et miserere mei.

Pes meus stetit in directo : \* in ecclesiis benedicam te, Domine.

Gloria Patri, etc.

*Ant.* Si quis spiritum Christi non habet, hic non est ejus. *Rom. 8, 9.*

*Capitulum.*

Qui non intrat per ostium in ovile ovium, sed ascendit aliunde, ille fur est et latro; qui autem intrat per ostium, Pastor est ovium, huic ostiarius aperit. *R. Deo gratias. Joan. 10, 2.*

*R. brev.* Spiritus tuus bonus \* Deducet me in terram rectam. *R. Spiritus. ¶. Diriget mansuetos in iudicio.* \* Deducet. Gloria Patri. *R. Spiritus. Ps. 142, 10.*

*¶. Ne projicias me a facie tua;*  
*R. Et Spiritum sanctum tuum ne auferas a me.*

*¶. Domine, exaudi orationem meam;*  
*R. Et clamor meus ad te veniat.*

*Oremus.*

Deus qui facis Angelos tuos spiritus, et Ministros tuos flammam ignis, emitte Spiritum tuum, et renova faciem Cleri; ut Sar-

cerdotes, velut administratorii spiritus in ministerium missi, de regno tuo tollant omnia scandala, et ignem quem venit Jesus mittere in terram, in omnium cordibus aecendant. Per eundem.... in unitate ejusdem, etc.

## AD SEXTAM.

Deus, in adjutorium, etc.

*Hymnus.*

Jam non bella furunt : post data prælia,  
In longa placidi pace quiescitis :

Pastor, pro grege pasto,  
Pleno numime pascitur.

Gens per vos Superum cœtibus addita,  
Cœlo vos geminis plausibus excipit :

Certat prompta coronas  
Vestris nectere frontibus.

Os quondam madidum sanguine Numinis,  
De torrente bilit gaudia plenius :

Quem sprevere, superbo  
Mundum nunc pede comprimunt.

Jugis summa Trias, sit tibi gloria :  
Quæ soleme, tuo præpositis gregi,  
Pro mercede laboris,  
Te das prodiga, præmium. Amen.  
*Ant.* Omnis plantatio.

*Psalmus 23.*

**D**omiini est terra et plenitudo ejus; \* orbis terrarum, et universi qui habitant in eo;

**Q**uius ipse super maria fundavit eum, \* et super flumina præparavit eum.

**Q**uis ascenderet in montem Domini? \* aut quis stabit in loco sancto ejus?

**I**nnocens manibus et mundo corde; \* qui non accepit in vano animam suam, nec ju-ravit in dolo proximo suo.

**H**ic accipiet benedictionem a Domino, \* et misericordiam a Deo salutari suo.

**H**æc est generatio querentium eum, \* querentium faciem Dei Jacob.

**A**ttollite portas principes vestras, et elevamini portæ æternales; \* et introibit Rex gloriæ.

**Q**uis est iste Rex gloriæ? \* Dominus fortis et potens : Dominus potens in prælio.

**A**ttollite portas principes vestras, et elevamini portæ æternales; \* et introibit Rex gloriæ.

**Q**uis est iste Rex gloriæ? \* Dominus vir-tutum ipse est Rex gloriæ.

**G**loria Patri, etc.

**A**nt. Omnis plantatio quam non plantavit Pater meus cœlestis eradicabitur. *Matth.*  
*15, 13.*

*Capitulum.*

Noli quærere a Domino ducatum, neque a rege cathedram honoris : noli quærere fieri iudex, nisi valeas virtute irrumpere iniqüitates. *R. Deo gratias. Eccli. 7, 4.*

*R. br. Proba me, Deus, \* Et scito cor meum. R. Proba me. v. Interroga me, et cognosce semitas meas : \* Et scito. Gloria Patri. R. Proba me. Psal. 138, 23.*

*v. Vias tuas, Domine, demonstra mihi;*

*R. Et semitas tuas edoce me.*

*Oremus.*

Constitue, Domine, super opus tuum viros boni testimonii, plenos Spiritu sancto, et sapientia, qui velut fideles mysteriorum dispensatores, quæ sua sunt non quærant; sed ab oīibus recipientes necessitatis sustentationem, a Principe Pastorum exspectent mercedem. Per eundem... in unitate ejusdem, etc.

---

*AD NONAM.*

Deus, in adjutorium, etc.

*Hymnus.*

Qui stellata Poli tangitis atria,  
Proles vestra sumus, Pontifices sacri;

*AD NONAM.*

Quæ supra tenetis,  
Nati possident bona.  
Densis quæ fuerat nubibus obsita,

Puro nuda beet lumine veritas;  
*Aris quæ latitabat,*  
*Se jam detegat Hostia.*

Per vos assiduis culta laboribus,  
Tellus nos segetes pinguor attulit;

*Vestram ferte superni  
Messem Patris in horrea.*

Jugis summa Trias, sit tibi gloria;  
Quæ solemne, tuo præpositis gregi,

*Pro mercede laboris,  
Te das prodiga, præmium. Amen.*

*Ant. Amice.*

*Psalmus 14.*

Domine, quis habitabit in tabernaculo tuo? \* aut quis requiescat in monte sancto tuo?

Qui ingreditur sine macula, \* et operatur justitiam;

Qui loquitur veritatem in corde suo; \* qui non egit dolum in lingua sua;

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus, \* timentes autem Dominum glorificat.

*Qui jurat proximo suo, et non decipit; \**

qui pecuniam suam non dedit ad usuram,  
et munera super innocentem non accepit.

Qui facithæc,\* non movebitur in æternum.  
Gloria Patri, etc.

*Ant.* Amice, quomodo huc intrasti non  
habens vestem nuptiale? *Matth.* 22, 12.

*Capitulum.*

Væ filii desertores! dicit Dominus, ut fa-  
ceretis consilium et non ex me, et ordire-  
mini telam et non per spiritum meum, ut  
adderetis peccatum super peccatum, et os  
meum non interrogasti. ¶ Deo gratias. *Is.*  
30, 1.

¶. br. Tu Domine, \* Qui corda nosti om-  
nium. ¶. Tu Domine. ¶. Ostende quem ele-  
geris accipere locum ministerii hujus. \* Qui.  
Gloria, etc. ¶. Tu Domine.

¶. Si dixerit mihi Dominus, Non places.  
¶. Præsto sum, faciat quod bonum est co-  
ram se.

¶. Domine, exaudi, etc.  
¶. Et clamor, etc.

*Oremus.*

Sanguis quem effudit Christus ut exhibe-  
ret sibi gloriosam Ecclesiam, clamat ad  
te, Deus, ut a Sacerdotali ministerio fures  
et mercenarios arceas; et qui mensæ dæmo-  
niorum gaudent esse particeps, ejusdem

Dominici sanguinis non sinas fieri consecra-  
tores. Per eundem.

~~~~~  
AD VESPERAS.

Deus, in adjutorium, etc.

*Ant.* Omnis.

*Psalmus 100.*

Misericordiam et judicium \* cantabo tibi,  
Domine.

Psallam et intelligam in via immaculata,\*  
quando venies ad me.

Perambulabam in innocentia cordis mei,\*  
in medio domus tuæ.

Non proponebam ante oculos meos rem  
injustam : \* facientes prævaricationes odivi.

Non adhæsit mihi cor pravum : \* decli-  
nantem a me malignum non cognoscebam.

Detrahentem secreto proximo suo, \* hunc  
persequebar.

Superbo oculo et insatiabili corde, \* cum  
hoc non edebam.

Oculi mei ad fideles terræ ut sedeant me-  
cum : \* ambulans in via immaculata, hic mi-  
hi ministrabat.

Non habitabit in medio domus meæ, qui  
facit superbiam : \* qui loquitur iniqua, non  
direxit in conspectu oculorum meorum.

In matutino interficiebam omnes peccatores terræ; \* ut disperderem de civitate Domini omnes operantes iniquitatem.

Gloria Patri, etc.

*Ant.* Omnis alienigena, incircumcisus corde, non ingredietur sanctuarium meum.  
*Ezech. 44, 9.*

*Capitulum.*

Dominus quasi ignis conflans, et emundans argentum, purgabit filios Levi; et erunt Domino offerentes sacrificia in justitia. ¶ Deo gratias. *Mach. 3, 3.*

*Hymnus.*

Cessant figuræ, non litat impares  
Impar Sacerdos amplius hostias;  
Jam Pontifex fit Numen ipsum,  
Seque sibi Deus Agnus offert.

Vitam cruentus qui semel obtulit,  
Se non cruentum jugiter immolat :  
Mactatus aris et renascens,  
Perpetuo moriendo vivit.

Ad grande munus nos Deus erigit,  
Quos intus ungit sacrificios sibi,  
Pondus caduci sustinemus  
Angelis humeris tremendum.

O quam stupendæ quas agimus vices!  
Quem prona coeli curia suspicit,  
Sacras ad aras imperantes,

Nos docilis Deus ipse sentit.

Christum, Sacerdos, cœlitus evocas;  
Per te creatur qui creat omnia;  
Immotus orbem qui gubernat,  
Se tibi dat facilem moveri.

Non impotenti, criminis arbiter,  
Verbo, resolvis ferrea vincula :  
Quas fers magistra voce, Numen  
Ecce sibi putat esse leges.

Laus summa Patri, summaque Filio,  
Qui se Parenti consecrat hostiam,  
Sacro Ministri quo dicantur  
Chrismate, laus tibi Flamen alnum. Amen.  
¶ Sanctificabor in iis qui appropinquant  
mihi.

¶ Et in conspectu omnis populi glorifi-  
cabor.

*Ad Magnificat, Ant.* Elegit Sacerdotes.

*CANTICUM B. M. V. Luc. 1.*

Magnificat \* anima mea Dominum:  
Et exultavit spiritus meus \* in Deo salu-  
tari meo.

Quia respexit humilitatem ancillæ suæ : \*  
ecce enim ex hoc beatam me dicent omnes  
generations.

Quia fecit mihi magna, qui potens est : \*  
et sanctum nomen ejus.

Et misericordia ejus a progenie in proge-  
nies \* timentibus eum.